

## هاو الراجل

1 همّالا خذا بيلاطس يسوع وأمر باش يجلدوه. 2 ضفرو العسكر تاج بالشوك وخطوه على راسو ولبسولو لباس حمر حامق، 3 وكانو يجيو ليه ويقولو: "السلام يا سلطان اليهود" ويعطيولو فالصقالي. 4 زاد خرّج بيلاطس برّا وقاللهم: "هاني نخرّجهولكم برّا باش تعرّفو باللي ما لقيت فيه حتّى غلطة" 5 خرّج يسوع برّا وهو رافد تاج الشوك واللباس الحمر وقاللهم بيلاطس: "هاو الراجل" 6 كي شافوه رياس رجال الدين والعساسين بداو يعيطو ويقولو: "أصلبو، أصلبو." قاللهم بيلاطس: "أديوه أنتوم وأصلبوه خاطر أنا ما لقيت فيه حتّى غلطة" 7 واجبوه اليهود: "حنا عندنا شريعة، وعلى حساب الشريعة لازم يموت، خاطر دار روجو ابن الله" 8 كي سمع بيلاطس هاد الكلام زاد خاف كتر، 9 ونخل للقصر وقال لیسوع: "منين أنت؟" بصح يسوع ما عطالو حتّى وجاب. 10 قالو بيلاطس: "أنا ما تهدرش معاي؟ ما راکش عارف باللي عندي القدرة باش نطلقك وعندي القدرة باش نصلبك؟" 11 واجبو يسوع: "ما كانت تكون عندك حتّى قدرة عليّ لو كان ما أعطاتلكش مالفوق، على هدا اللي سلمني ليك الذنوب عليه كتر" 12 من داك الوقت، حوس بيلاطس باش يطقو، واليهود عيطو وقالو: "لو كان نطلق هدا، ماراکش حبيب قيصر، اللي يدير روجو سلطان يكون عدو لقيصر" 13 كي سمع بيلاطس هاد الكلام خرّج يسوع لبرّا وقعد على الكرسي تّع القاضي فالمكان اللي يتسمّا البلاط وبالعبريّة جباتا، 14 كان وقت التّوجاد تّع الفصح وكانت جوايه الطنّاش تّع النهار وقال لليهود: "هاو السلطان نعلّم" 15 هوم عيطو: "يموت، يموت، أصلبو" قاللهم بيلاطس: "نصلب السلطان نعلّم؟" واجبو رياس رجال الدين: "ما عندنا حتّى سلطان من غير قيصر" 16 سلمهولهم باش يتصلب. همّالا أداو يسوع، 17 وخرّج وهو رافد الصليب للمكان اللي يتسمّيه الجمجمة واللي يعيطولو بالعبريّة الجلجثة.

## يسوع مصلوب

18 وثمة صلبوه ومعاها زوج واحدوخرين، واحد من وواحد من ويسوع فالوسط. 19 كتّب بيلاطس لوحة وخطها عالصليب وكان مكتوب فيها: "يسوع الناصري سلطان اليهود" 20 بزّاف ماليهود اللي قرّاو هاد اللوحة، خاطر المكان اللي نصلب فيه يسوع

كان قريب مالمدينة وكانت الكتبية بالعبرية واللاتينية واليونانية. <sup>21</sup> قالو رياس رجال الدين لبيلاطس: "ما تكتبش سلطان اليهود، أكتب هذا قال أنا سلطان اليهود" <sup>22</sup> واجبهم بيلاطس: "اللي كتبتو كتبتو" <sup>23</sup> العسكر كي صلبو يسوع خداو جوايجو وقسموهم على ربعة، كل واحد ادا ربع، وزادو الـندورة. والـندورة كانت بلا خياطة، فماش واحد على مرة. <sup>24</sup> همالا قالو لبعضهم بعض: "ما تقطعوهاش، نشوفو بالفرعة ليمن تكون" باش يتم واش ثقال فالكتوب: "ثقاسمو حوايجي، ودارو الفرعة على الـندورتي". وهذاك واش دارو العسكر <sup>25</sup> كانوا فدام الصليب يمات يسوع، وخت يمّاه ومريم مرت كلوبا ومريم المجدلية. <sup>26</sup> شاف يسوع يمّاه وفدامها التلميذ اللي كان يحبو، وقال ليمّاه: "يا مرا، هاو وليدك" <sup>27</sup> اومبعد قال للتلميذ: "هاي يمّاك". ومن هديك الساعة، اذاها التلميذ لدارو. <sup>28</sup> بعد هذا، يسوع اللي كان عارف باللي كل شي تحقّق قال باش يتم واش مكتوب: "راني عطشان" <sup>29</sup> كان تمّة طاص معمر بالخل، عمرو سفنجة بالخل وداروها على غصنّ تع الزوف ودناوهاو لقمّو.

### راهو كمل

<sup>30</sup> كي خدا يسوع الخل قال: "راهو كمل" وميّل راسو وسلم الروح. <sup>31</sup> على حساب اللي كان التوجاد للفصح، وباش ما تبقاش دات الموتى عالصليب فالسبت، خاطر هذاك السبت كان كبير، طلبو اليهود من بيلاطس باش يگسرو ركايب المصلوبين وينحيوهم مالصليب، <sup>32</sup> راحو العسكر وكسرو ركايب الأول، والتاني اللي اتصلب معاه، <sup>33</sup> كي وصلو لعند يسوع لقاوه ميّت وما كسرو لوش ركايبو، <sup>34</sup> بصّح واحد مالعسكر، ثقبلو جنبو بالرمح نعو، وثمّ تم خرّج من جنبو الدم والماء، <sup>35</sup> اللي شاف شهّد وشهادتو صحيحة، هو راهو عارف باللي راهو يقول الصّح، باش أنتوم تاني تامنو. <sup>36</sup> خاطر صراو هاد الحاجات باش يتم واش مكتوب: "عضم ما يتكسر متو" <sup>37</sup> ومكتوب تاني: "يشوفو للي تقبوه"

### قبر جديد

<sup>38</sup> بعد هذا، يوسف الرامي اللي كان تلميذ يسوع بالثخبية على جال الخوف ماليهود، طلب من بيلاطس باش يدي دات يسوع مالصليب. خلاه بيلاطس وراح نحّاه. <sup>39</sup> نيقوديموس تاني اللي كان جاليه المرة الأولى فالليل، راح وجاب معاه واحد الثلاتين كيلو تع المر والصبر مخلطين، <sup>40</sup> واداو دات يسوع ولقوه بالريحة فالكفن كيما كانت

عادة اليهود للدفينة. 41 كان فالمكان اللي أتصلب فيه يسوع جنان وفالجنان قبر جديد ما  
أتدفن فيه حتى واحد، 42 حطو يسوع نمة على حساب اللي كان قريب على جال توجاد  
اليهود للفصح.